



O'ZBEKISTON RESPUBLIKASI VAZIRLAR MAHKAMASINING QARORI

20 20 yil « 10 » ноябрь

№ 704

Toshkent sh.

Туғилганликни қайд этиш билан боғлиқ комплекс давлат хизматларини кўрсатишнинг маъмурий регламентини тасдиқлаш тўғрисида

Ўзбекистон Республикаси Президентининг “Давлат хизматлари кўрсатиш миллий тизимини жадал ривожлантириш бўйича қўшимча чора-тадбирлар тўғрисида” 2020 йил 31 январдаги ПФ-5930-сон Фармонига мувофиқ ахолига ўзаро боғлиқ давлат хизматларидан комплекс тарзда фойдаланиш имкониятини яратиш мақсадида Вазирлар Махкамаси қарор қиласди:

1. Туғилганликни қайд этиш билан боғлиқ комплекс давлат хизматларини кўрсатишнинг маъмурий регламенти иловага мувофиқ тасдиқлансин.

2. Белгилансинки, туғилганликни қайд этиш билан боғлиқ комплекс давлат хизматлари Тошкент ва Нукус шаҳарларида, 2021 йил 1 февралдан барча вилоятлар марказларида, 2021 йил 1 сентябрдан бошлаб эса – бутун республика худудида кўрсатилади.

3. Ўзбекистон Республикаси Адлия вазирлиги хузуридаги Давлат хизматлари агентлиги Ўзбекистон Республикаси Ахборот технологиялари ва коммуникацияларини ривожлантириш вазирлиги билан биргаликда икки ҳафта муддатда тегишли вазирлик ва идораларда давлат хизматининг ўз вақтида ва сифатли кўрсатилишини таъминлаш мақсадида ахборот тизимларини ўзаро интеграция қилиш чораларини кўрсинг.

4. Ўзбекистон Республикаси Адлия вазирлиги манбаатдор вазирликлар ва идоралар билан биргаликда ўzlари қабул қилган норматив-хукуқий хужжатларни бир ой муддатда ушбу қарорга мувофиқлаштирун.

5. Мазкур қарорнинг бажарилишини назорат қилиш Ўзбекистон Республикаси адлия вазири Р.К. Давлетов зиммасига юклансин.

Ўзбекистон Республикасининг
Бош вазири



А. Арипов

Вазирлар Маҳкамасининг
2020 йил 10 ноябрдаги 704-сон қарорига
илова

**Туғилганликни қайд этиш билан боғлиқ комплекс
давлат хизматларини қўрсатишнинг
МАЪМУРИЙ РЕГЛАМЕНТИ**

1-боб. Умумий қоидалар

1. Ушбу Регламент туғилган боланинг ота-онаси ёки васийси (ҳомийси), тутинган ота-онаси, уларнинг ўрнини босувчи шахслар ёки уларнинг яқин қариндошларига ёхуд ота-онасидан бири ваколат берган бошқа шахсларга (кейинги ўринларда – ариза берувчилар) туғилганлик ҳақидаги тиббий маълумотнома олиш, туғилганликни қайд этиш, поликлиникага ҳисобга қўйиш, бир марталик нафақа пулинин олиш, болани отаси ёки онаси ёхуд васийси (ҳомийси), тутинган ота-онаси доимий рўйхатда турган манзили бўйича рўйхатга қўйиш ҳамда болани давлат мактабгача таълим ташкилотига навбатга қўйиш бўйича комплекс давлат хизматлари (кейинги ўринларда – давлат хизматлари) қўрсатиш тартибини белгилайди.

2. Давлат хизматини қўрсатишда куйидагилар иштирок этади:

а) тиббиёт муассасаси (туғруқхона, шифохона туғруқ бўлими, оиласий поликлиника) ота-она ва бола ҳақидаги барча маълумотларни электрон тиббий маълумотномани шакллантириш учун маҳсус электрон бланкага киритади ва автоматик равишда фуқаролик ҳолати далолатномаларини ёзиш бўлимига (кейинги ўринларда – ФХДЁ бўлими) “Туғилиш ва ўлимни, шу жумладан перинатал ўлимни электрон рўйхатга олиш” автоматлаштирилган ахборот тизими орқали юборади;

б) ФХДЁ бўлими:

туғилганлик ҳолатини қайд этади ва бошқа давлат хизматларидан комплекс тарзда фойдаланишни таъминлайди;

туғилганлик ҳақидаги гувоҳномани ариза берувчига тақдим этади;

в) Ўзбекистон Республикаси Молия вазирлиги ҳузуридаги бюджетдан ташқари Пенсия жамғармаси (кейинги ўринларда – Пенсия жамғармаси):

фарзанд туғилганда бериладиган бир марталик нафақа пулинин расмийлаштиради ва хизмат натижаси бўйича ариза берувчига СМС хабар юборади;

хар бир тўлов ойи бошида ўтган ойда тўланган фарзанд туғилганда бериладиган бир марталик нафақаларнинг умумий суммасидан кам бўлмаган миқдордаги маблағларни Ўзбекистон Республикаси акциядорлик тижорат “Халқ банки”нинг (кейинги ўринларда – Халқ банки) хисобварагига молиялаштиради;

фарзанд туғилганда бериладиган бир марталик нафақа пули Халқ банки томонидан тўлангандан сўнг, тўлов амалга оширилганлиги ҳақида ариза берувчига СМС хабар юборади;

г) тиббиёт муассасалари она рўйхатда турган поликлиникага (рўйхатда турмаган тақдирда доимий ёки вақтинча рўйхатда турган яшаш манзилидаги поликлиникага) болани рўйхатга қўяди ва ариза берувчига рўйхатга кўйилган поликлиника ҳақида СМС хабар юборади;

д) туман (шаҳар) ички ишлар бўлимлари болани отаси ёки онаси ёхуд васийси (ҳомийси), тутинган ота-онаси доимий рўйхатда турган манзили бўйича “Манзил” автоматлаштирилган ахборот тизими орқали рўйхатга қўяди ва ариза берувчига хизмат натижаси бўйича СМС хабар юборади;

е) Ўзбекистон Республикаси Мактабгача таълим вазирлиги сўровномада кўрсатилган давлат мактабгача таълим ташкилотига болани навбатга қўяди ва ариза берувчига хизмат натижаси бўйича СМС хабар юборади;

ё) Халқ банки фарзанд туғилганда бериладиган бир марталик нафақа тўловини Пенсия жамғармасига электрон сўров юбориш орқали мурожаат килган фуқаронинг нафақага бўлган ҳукуқини тасдиқлаган ҳолда амалга оширади.

Ариза берувчига СМС хабар юбориш билан боғлиқ харажатлар вазирлик ва идораларнинг бюджетдан ташқари маблағлари ва қонун хужжатлари билан тақиқланмаган бошқа маблағлар хисобидан қопланади.

3. Ушбу Регламент талаблари қўидаги ҳолларда:

никоҳда бўлмаган ота-онадан туғилган боланинг туғилиши уларнинг биргаликдаги аризаси (оталикни белгилаш) асосида туғилишини қайд этишда;

топиб олинган (ташлаб кетилган) боланинг туғилишини қайд этишда;

ўлик туғилган боланинг туғилганлигини, ҳаётининг биринчи ҳафтасида ўлган (перинатал ўлим) болаларнинг туғилганлигини, шунингдек эгизаклардан бири ўлик туғилганда ёки ҳаётининг биринчи ҳафтасида (перинатал ўлим) вафот этганда тирик эгизакнинг туғилганлигини қайд этишда татбиқ этилмайди.

4. ФХДЁ органи, тиббиёт муассасалари, туман (шахар) ички ишлар бўлимлари, Пенсия жамғармаси, Халқ банки ва Ўзбекистон Республикаси Мактабгача таълим вазирлиги (кейинги ўринларда – ваколатли органлар) ўртасидаги ахборот алмашинуви факат идоралараро электрон ўзаро боғланиш ёрдамида амалга оширилади.

Давлат хизматлари кўрсатишда болани доимий рўйхатга қўйиш ҳамда туғилганлик ҳақидаги гувоҳнома расмийлаштирилганлиги учун мазкур Регламентнинг 11-бандида белгиланган тартибда тўлов ундирилади, бошка давлат хизматлари бепул амалга оширилади.

5. Давлат хизматини кўрсатиш мазкур Регламентнинг 1-иловасига мувофиқ схема асосида амалга оширилади.

2-боб. Давлат хизматини кўрсатиш тартиби

6. Бола туғилган жойдаги тиббиёт муассасаси ходими бола туғилганидан сўнг 1 кун ичида бола ва ота-онаси ҳақидаги маълумотларни “Туғилиш ва ўлимни, шу жумладан перинатал ўлимни электрон рўйхатга олиш” ахборот алмашинуви тизимиға киритади.

Бунда, боланинг ота-онасига тегишли маълумотлар ота-оналарнинг шахсини тасдиқловчи хужжатлар асосида киритилади.

Ота-онанинг шахсини тасдиқловчи хужжатлар бўлмаганда боланинг туғилганлигини қайд этиш тиббиёт муассасасининг ёки васийлик ва ҳомийлик органининг ёзма мурожаатларига асосан амалга оширилади.

Бола туғилгунга қадар унинг отаси вафот этган вақтдан, ота-онаси никоҳи бекор қилинганлигидан ёки ота-онасининг никоҳи суд томонидан ҳақиқий эмас деб топилгандан кейин 300 кундан кўп вақт ўтмаган бўлса ариза берувчи томонидан никоҳдан ажралганлик ҳақидаги гувоҳнома, суднинг никоҳдан ажратиш ҳақидаги қароридан кўчирма (нусха) ёки никоҳни ҳақиқий эмас деб топганлиги тўғрисида суднинг қонуний кучга кирган қароридан кўчирма (нусха) ёки отасининг ўлими ҳақидаги гувоҳномаси тақдим этилади.

Маълумотлар автоматик равишда “ФХДЁ ягона электрон архиви” ахборот тизимиға юборилади ва QR-код (матрик штрихли код) кўйилган бланкада маълумотнома шакллантирилади.

7. ФХДЁ органи туғилган бола ҳақидаги маълумотларни “ФХДЁ ягона электрон архиви” ахборот тизимиға киритади ва туғилганлик ҳақидаги гувоҳномани расмийлаштиради.

8. ФХДЁ бўлимлари туғилганликни қайд этиш бўйича маълумотларни қабул қилиб олганидан сўнг 3 иш соати ичидаги Вазирлар Маҳкамасининг 2016 йил 14 ноябрдаги 387-сон қарори билан тасдиқланган Фуқаролик ҳолати далолатномаларини қайд этиш қоидаларига асосан кўриб чиқади ва натижасига кўра болага нисбатан туғилганлик ҳақидаги далолатнома ёзувини расмийлаштиради.

9. Туғилганлик ҳақидаги далолатнома ёзувини расмийлаштириш куйидаги ҳолатларда рад қилиниши мумкин:

туғилганликни қайд этиш қонунчиликка зид бўлса;

тақдим этилган маълумотлар уларга нисбатан қонун ҳужжатларида кўйиладиган талабларга мувофиқ бўлмаса;

туғилганликни қайд эттириш учун мурожаат қилган шахс бунга хукуқли бўлмаса ёки суд томонидан муомалага лаёқатсиз деб топилган бўлса.

10. ФХДЁ бўлимлари ариза берувчининг хоҳишига кўра ушбу Регламентга 2-иловага мувофиқ шакл бўйича сўровномада белгиланган маълумотларни тўлдиради ва комплекс тартибда бошқа хизматларни кўрсатиш учун автоматик равишда ваколатли органларнинг ахборот тизимларига юборади.

Ариза берувчи ўз хоҳишига кўра ушбу комплекс хизматларнинг барчасидан бир вақтда ёки айримларидан фойдаланиши мумкин, болани доимий рўйхатга кўйиш бундан мустасно.

Бунда:

а) туман (шаҳар) ички ишлар бўлимлари Ўзбекистон Республикаси Ички ишлар вазирлигининг “Манзил” ахборот алмашинуви тизими орқали болани отаси ёки онаси ёхуд васийси (хомийси), тутинган ота-онаси доимий рўйхатда турган манзили бўйича 1 иш куни ичидаги рўйхатга кўяди ва ариза берувчига хизмат натижаси бўйича СМС хабар юборади. Болани отаси ёки онаси доимий рўйхатда турмаган тақдирда болани рўйхатга кўйиш Вазирлар Маҳкамасининг “Ўзбекистон Республикаси Президентининг “Чет эл фуқаролари ва фуқаролиги бўлмаган шахсларни доимий ва вақтинча прописка қилиш тартибини такомиллаштириш чора-тадбирлари тўғрисида” 2018 йил 28 августдаги ПК-3924-сон қарорини амалга ошириш чора-тадбирлари ҳақида” 2018 йил 22 октябрдаги 845-сон қарори ҳамда “Вазирлар Маҳкамасининг “Ўзбекистон Республикасида доимий ва вақтинча прописка қилиш тартибини янада соддлаштириш чора-тадбирлари тўғрисида” 2019 йил 28 декабрдаги

1049-сон қарорига ўзгартириш ва қўшимчалар киритиш тўғрисида” 2020 йил 22 майдаги 320-сон қарорида белгиланган тартибда амалга оширилади;

б) Ўзбекистон Республикаси Мактабгача таълим вазирлигининг мактабгача таълимни бошқаришнинг ахборот тизими автоматик равища болани сўровномада кўрсатилган давлат мактабгача таълим ташкилотига навбатга қўяди ва ариза берувчига хизмат натижаси бўйича СМС хабар юборади;

в) Пенсия жамғармасининг “Пенсия” ахборот тизими автоматик равища фарзанд туғилганда бериладиган бир марталик нафақа пулини расмийлаштиради ва ариза берувчига хизмат натижаси бўйича СМС хабар юборади.

Пенсия жамғармасининг туман (шаҳар) бўлими ҳар ойнинг бошида ўтган ойда ушбу ҳудудда тўланган фарзанд туғилганда бериладиган бир марталик нафақаларнинг умумий суммасидан кам бўлмаган миқдордаги маблағларни Халқ банки филиалининг ҳисобварагига молиялаштиради.

Боланинг отаси ёки онаси шахсни тасдиқловчи хужжатларни кўрсатган ҳолда, бола туғилгандан бошлаб 6 ой муддат ичида бир марталик нафақа пулини олиш учун Халқ банкининг исталган филиалига мурожаат қиласи;

г) Халқ банки филиали бир марталик нафақа тўловини олиш учун мурожаат қилган фуқаронинг нафақага бўлган ҳукуқини Пенсия жамғармасига электрон сўров юбориш орқали тасдиқлайди ҳамда олдиндан молиялаштирилган маблағлар ҳисобидан нафақа тўловини амалга оширади. Бунда, тўлов амалга оширилганлиги ҳақида маълумот ариза берувчига СМС хабар орқали юборилади.

Бир марталик нафақани олиш учун мурожаат қилган шахс бунга ҳукуқи бўлмаса, суд томонидан муомалага лаёқатсиз деб топилган бўлса, нафақани олиш учун бола туғилгандан бошлаб 6 ойдан кейин мурожаат қилса, ушбу нафақа аввал ота ёки онасининг бирига тўлаб берилган бўлса бир марталик нафақани тўлаш рад этилади;

д) Соғлиқни сақлаш вазирлигининг “Электрон поликлиника” ахборот алмашинуви тизими она рўйхатда турган поликлиникага (рўйхатда турмаган тақдирда доимий ёки вақтинча рўйхатда турган яшаш манзилидаги поликлиникага) болани рўйхатга қўяди ва ариза берувчига рўйхатга қўйилганлиги ҳақидаги хабарни СМС орқали юборади.

11. Бир марталик нафақа миқдоридан қуйидаги миқдордаги маблағлар чегириб қолинади:

болани доимий рўйхатга қўйиш бўйича давлат хизматини кўрсатганлик учун Ўзбекистон Республикасининг “Давлат божи тўғрисида”ги Қонунида белгиланган базавий ҳисоблаш миқдорининг 2 фоизи миқдоридаги давлат божи;

туғилганлик ҳақидаги гувоҳномани расмийлаштирганлик учун Вазирлар Маҳкамасининг “Гербли гувоҳномалар берганлик учун герб йигими миқдорини тасдиқлаш тўғрисида” 2012 йил 25 апрелдаги 119-сон қарорида белгиланган базавий ҳисоблаш миқдорининг 15 фоизи миқдоридаги герб йигими.

Пенсия жамғармасининг туман (шаҳар) бўлими ҳар ойнинг 5 санасига қадар ФХДЁ бўлимининг электрон маълумотлари асосида худудда туғилганлик ҳолати қайд этилган болалар сонига мувофиқ, туман (шаҳар) ички ишлар бошқармалари ва ФХДЁ бўлимлари билан тузилган солиштирма далолатномаларга асосан республика бюджети ҳисобидан:

доимий рўйхатга қўйганлик учун маблағларни белгиланган тартибда Ички ишлар вазирлигининг бюджетдан ташқари жамғармаси ҳисобварагига молиялаштиради;

герб йигими учун маблағларни туман (шаҳар) ФХДЁ бўлимларининг маҳсус ҳисобварагига молиялаштиради.

Бунда:

давлат божи суммаси “Вазирлар Маҳкамасининг “Ўзбекистон Республикасида доимий ва вақтинча прописка қилиш тартибини янада соддалаштириш чора-тадбирлари тўғрисида” 2019 йил 28 декабрдаги 1049-сон қарорига ўзгартириш ва қўшимчалар киритиш тўғрисида” 2020 йил 22 майдаги 320-сон қарорида белгиланган тартибда тақсимланади;

туғилганлик ҳақидаги гувоҳномани расмийлаштириш бўйича давлат хизматини кўрсатиш учун герб йигими Вазирлар Маҳкамасининг “Гербли гувоҳномалар берганлик учун герб йигими миқдорини тасдиқлаш тўғрисида” 2012 йил 25 апрелдаги 119-сон қарорида белгиланган тартибда тақсимланади.

3-боб. Якунловчи қоидалар

12. Ваколатли органлар ўз фаолиятини амалга ошириши натижасида олинган ариза берувчилар ҳақидаги маълумотларнинг сир сақланишини таъминлаши керак.

13. Ўзбекистон Республикаси Адлия вазирлиги ҳузуридаги Давлат хизматлари агентлиги, унинг худудий бошқармалари ва Давлат хизматлари

марказлари ушбу Регламент талаблари ижроси бўйича давлат органлари ва бошқа ташкилотларнинг фаолияти устидан доимий мониторингни амалга оширадилар.

14. Ариза берувчи давлат органлари ва бошқа ташкилотлар ходимларининг хатти-ҳаракатлари юзасидан қонун хужжатларида белгиланган тартибда шикоят қилиши мумкин.

15. Ушбу Регламент талабларининг бузилишида айбдор бўлган шахслар қонун хужжатларида белгиланган тартибда жавоб берадилар.

Түғилғанликни қайд этиш билан боғлиқ комплекс давлат хизматларини кўрсатишининг
маъмурий регламентига
1-илова

**Түғилғанликни қайд этиш билан боғлиқ комплекс давлат хизматларини кўрсатиши
СХЕМАСИ**

| Боскичлар | Субъектлар | Тадбирлар | Бажариш муддати |
|-----------|---------------------------------|--|--|
| 1-боскич | Тиббиёт муассаса ходими | Ота-она ва бола ҳақидаги маълумотларни “Түғилиш ва ўлимни, шу жумладан перинатал ўлимни электрон рўйхатга олиш” ахборот алмашинуви тизимига киритиш ҳамда ушбу тизим орқали ФХДЁ бўлимига юбориш | Бола түғилганидан сўнг 1 иш куни мобайнида |
| 2-боскич | ФХДЁ бўлими | Бола ҳақидаги маълумотларни “ФХДЁ ягона электрон архиви” ахборот тизимига киритиш ва түғилғанлик ҳақидаги гувоҳномани расмийлаштириш | Маълумотлар келиб тушгандан сўнг |
| 3-боскич | ФХДЁ бўлими | Түғилган болага оид маълумотларни комплекс тартибда бошқа хизматларни кўрсатиши учун Ички ишлар вазирлиги, Мактабгача таълим вазирлиги, Соғликини сақлаш вазирлиги ҳамда Молия вазирлиги хузуридаги бюджетдан ташқари Пенсия жамғармаси ахборот тизимларига юбориш | Автоматик равища |
| 4-боскич | Туман (шаҳар) ички ишлар бўлими | Ички ишлар вазирлигининг “Манзил” ахборот алмашинуви тизими орқали болани отаси ёки онаси ёхуд васийси (ҳомийси), тутинган ота-онаси доимий рўйхатда турган манзили бўйича рўйхатга қўйиш ва ариза берувчига хизмат натижаси бўйича СМС хабар юбориш | 1 иш куни ичида |
| 5-боскич | Мактабгача таълим вазирлиги | Мактабгача таълимни бошқаришнинг ахборот тизимида сўровда кўрсатилган мактабгача таълим ташкилотига навбатга қўйиш ва ариза берувчига хизмат натижаси бўйича СМС хабар юбориш | Автоматик равища |
| 6-боскич | Соғликини сақлаш вазирлиги | “Электрон поликлиника” ахборот алмашинуви тизими орқали она рўйхатда турган поликлиникага (рўйхатда турмаган тақдирда доимий ёки вактинча рўйхатда турган яшаш манзилидаги поликлиникага) болани рўйхатга қўяди ва ариза берувчига рўйхатга қўйилғанлиги ҳақида СМС хабар юбориш | 1 иш куни ичида |

| | | | |
|----------|--------------------------|---|--|
| 7-босқич | Пенсия жамгармаси бўлими | <p>1. Фарзанд тугилганда бериладиган бир марталик нафақа пулини расмийлаштириш ва ариза берувчига хизмат натижаси бўйича СМС хабар юбориши.</p> <p>2. Хар ойнинг бошида ўтган ойда ушбу худудда тўланган фарзанд тугилганда бериладиган бир марталик нафақаларнинг умумий суммасидан кам бўлмаган миқдордаги маблағларни Халқ банки филиалининг хисобварагига молиялаштириш.</p> <p>3. ФХДЁ бўлимининг электрон маълумотларига асосан худудда тугилганлик ҳолати қайд қилинган болалар сонига мувофик герб йигими учун маблағларни туман (шахар) ФХДЁ бўлимларининг маҳсус хисобварагига ҳамда доимий рўйхатга кўйганлик учун маблағларни белгиланган тартибда Ички ишлар вазиригининг бюджетдан ташқари жамгармаси хисобварагига молиялаштириш</p> | Автоматик равища Хар ойнинг 5 санасига қадар Жорий ойдан кейинги ойнинг 5 санасига қадар |
| 8-босқич | Халқ банки | Бир марталик нафақа тўловини олиш учун мурожаат қилган ариза берувчининг нафақага бўлган ҳуқуқини Пенсия жамгармасига электрон сўров юбориш орқали тасдиқлаш ҳамда нафақа тўловини амалга ошириш, тўлов амалга оширилганлиги ҳақида маълумотни ариза берувчига СМС хабар орқали юбориш | Мурожаат қилган вактда |

Түғилғанликни қайд этиш билан боғлиқ комплекс
давлат хизматларини кўрсатишнинг
маъмурий регламентига
2-илова

(санаси)

(рақами)

Түғилғанликни қайд этиш билан боғлиқ комплекс
давлат хизматларидан фойдаланиш учун
СЎРОВНОМА

I. Ариза берувчи ҳақида маълумот:

| | |
|---|--|
| 1. Ф.И.О.: | |
| 2. Жисмоний шахснинг шахсий идентификация рақами (ЖШ ШИР) (мавжуд бўлганда): | |
| 3. Телефон рақами ва электрон почта манзили: | |
| 4. Яшаш жойи: | |

**II. Бола ва унинг ота-онаси ҳақидаги маълумотлар
(маълумотлар тўлиқ ёзилиши шарт):**

| | | |
|---|-------|-------|
| 1. Боланинг Ф.И.О.: | | |
| 2. Бола ота-онасининг иш жойи ва лавозими тўғрисида маълумот: | | |
| 2.1. Отаси: | | |
| 2.2. Онаси: | | |
| 3. Боланинг ота-онасининг маълумоти (олий, ўрта, ўрта-максус, маълумотсиз): | Отаси | Онаси |
| 3.1. Отаси: | | |
| 3.2. Онаси: | | |
| 4. Ариза билан мурожаат этган шахснинг болага нисбатан алоқадорлиги: | | |

III. Тиббий поликлиникага ҳисобга қўйиш

| | | |
|--|----|-----|
| 1. Тиббий поликлиникага ҳисобга қўйиш: | ҳа | йўқ |
| 2. Ҳисобга қўйилаётган тиббий поликлиниканинг манзили ва сони: | | |

IV. Бир марталик нафакани олиш

| | | |
|--------------------------------|----|-----|
| 1. Бир марталик нафакани олиш: | ҳа | йўқ |
|--------------------------------|----|-----|

V. Болани рўйхатга қўйиш

| | | | |
|------------|-------|-------|-------|
| 1. Манзил: | Отаси | Онаси | Бошқа |
| | | | |

VI. Болани давлат мактабгача таълим ташкилотига навбатга қўйиш

| | |
|---------------------------|-----------------|
| Ташкилот номи ва манзили: | 1. 2. ... |
|---------------------------|-----------------|

